

دارالفتون

ادبیات و فلسفہ

فلسفہ، اجتماعیات، تاریخ، جغرافیہ، ادبیات

ایک آبدہ بر نشر اول نور

مندرجات:

- آناطولیہ اسلامیت [کوپرولو زاده محمد فؤاد]
اسکی ساویر (مابعد) [نجیب عاصم]
آوستریا نشریاتندن : عثمانی تاریخہ دائرہ تدقیقات بولتی [راغب خلوصی]

کنایات و مجموعہ

[نجیب عاصم]

[م . ۱۰]

[ر . خ . ۰]

چین تاریخی

حق مفہومنه دائرہ برقونفرانس

مجموعہ

شہزادہ ہاشمی : اوقاف اسلامیہ مطبعہ سی

۱۳۳۸-۱۹۲۲

من مفهومك وقوة مؤيده سنك صورت
تلقیسی حقنده اسلام فلسفه حقوقیه اروپا
فلسفه حقوقی آراسنده بر مقایسه به دائر قونفرانس

استانبول ۱۳۳۸
قدر مطبعه سی

مدرسی سید بك

حقوق مدرسه سی مدرسین سید بك افندیك دارالفنون قونفرانس سالوننده [(حق)
مفهومك وقوة مؤيده سنك صورت تلقیسی حقنده اسلام فلسفه حقوقیه غرب فلسفه حقوقی آراسنده
مقایسه] به دائر ویردكری قونفرانس اخیراً طبع اولونمشدر . مؤلف محترمك قونفرانسك باشنده
بیان بویوردقلى كبی (حق) مفهومك منشائی و ماهیتی مسئله سی اك مهم بر مسئله فلسفیه در .
شیمدی به قدر بو خصوصده غرب فیلسوفلرینك مختلف افكاریه اسلام فقها سنك (حق) حقنده كی
تلقیسنك مقایسه سنه دائر تور كچه مزده هان هیچ بر اثر یوقدی . بو اعتبارله سید بك افندیك
طبع ایدیلن بو قونفرانسلى جداً شایان اهمیتدر .

مؤلف محترم اولاً (حق) كلمه سنك لغوی و اصطلاحی معنارینی ایضاح ایلور و (حق)
مفهومی [بر انسان ایچون هر وجه ایله ثابت و آكا مختص اولان شی] دییه رك تعریف ایلورلر .
سید بك افندی صلاحیت (Pouvoir) ی (حق) مفهومندن آیردقلى ، دها دوغریسی (حق) ی
ملزومی اولان صلاحیت ایله تعریف ایتدكلى ایچون لغوی معناسنه استناد ایله به قاریکی تعریفی قبول
ایلورلر . فقط بزه او یله کلیوركه (حق) مفهوم بسیطی محقق تعریف ایتك لازم ایسه اونى
ملزومی اولان صلاحیت ایله ، مقابلی بولونان وظیفه ایله تحدید و تعیین ایتك ایجاب ایدر . چونكه
سید بك افندیك ترجیح ایله یکی تعریف (حق) ك انسانلر آراسنده كی مناسباتدن دوغمش اولدیغنی ،
تعبیر آخرله اجتماعی ماهیتی قطعاً اراهه ایله مه مكددر . اوتعریفله ظن اولونابیلر كه (حق) انسان
ایله بر شی آراسنده كی مناسبتدر . نته کیم مؤلف محترمده « حق تحقق ایتك ایچون بر کره انسان
صوكر ا بر شی ، دها صوكراده ایکیسی آراسنده براتصال واختصاص بولونان » دیورلر . [صحیفه ۵]
حالبوكه حق مفهومی اول امرده انسانلری و اونلر آراسنده كی مناسبتی تضمن ایدر . جمعیت ایچنده
یاشایان فردك یا یغنه کنديسنی صلاحیتدار کوردیکی عمللر قصد ایدلر كجه « حق » ك مشخص Concret
تعریفی یاپیلاماز . او یله ظن ایدیورزكه (حق) ك منشائی آرانیركن دوشونوله ك نقطه اشیا ایله
فرد آراسنده كی اتصال حاجزك سببی دكل ، انسانلر آراسنده كی صلاحیت متقابله « اعتقادینك ماهیتیدر . »
« حق ملکیت » بیله انسانلر ك اشیا اوزرنده كی صلاحیت متقابله لرندن باشقه بر شی دكلدر .

(حق) مفهومك اهمیتنی کوسترمك اوزره مؤلف شو صورتله ایضاحاتده بولونویور : « بواساس
[یعنی (حق) ك ماهیتی] صاغلام ولایتزل بر صورتده تثبیت ایدیلر به ك اولور ایسه اوزرینه
تأسیس ایدیلر ك بناء حقوقی دائماً انهدامه محكوم دیك اولور . نته کیم آوروپاده وقتیه تأسیس
ایدیلش اولان مؤسسات حقوقیه صاغلام ومتین اساس اوزرینه بنا قیلنماش اولدیغندن هان جمله سی
منهدم اولمش ، اونلر ك یرینه یکیدن تأسیس ایدیلنلر كده بر قسمی بوکون انهدامه یوز طوتمشدر »
بز بوفکره اشتراك ایلر میورز . « حق » مفهومی حقنده مختلف تلقیارك اولماسی مکونات حقنده كی

نقاط نظرک ، ایمانلرک مختلف اولماسنه مستنددر . (حق) ک منشائی ، اساسی مسئلهسی انسان و غایهٔ انسانیت حقنده کی قناعتمه ، بوده بوتون عالم و مکونات حقنده کی تلقیمزه صیقی صیقیه باغلیدر . بو خصوصده مختلف قناعتلر حاکم اولدقجه (حق) مفهومک منشاء و ماهیتی حقنده ده مختلف نظریات موجود اولاجقدر . آوروپاده کی مؤسسات حقوقیه نك انهدام ایتسی ، یاخود انهدامه یوزطوتمه سنک عامل اساسیسی (حق) مفهومک ماهیتنه دائر اعتقاد و نظریات مختلفه ده کورمیورز . بالعکس انهدام ایدن یاخود انهدامه یوز طوتان مؤسسات حقوقیه نك تولید ایتدیکی اضطرابات یکیدن یکیه (حق) ک ماهیتنی آراشدیرمه انسانلری سوق ایدوب دورمشدر .

مؤلف (حق) مفهومی حقنده غرب مؤلفلرینک بللی باشلی بوتون نظریاتی تلخیص و بونلری تنقید و اسلام فقهاسنک بو خصوصده کی نظریاتیه مقایسه ایلورلر (حق) ی صرف منفعت و قوته ارجاع ایلین بسیط منفعتی نظریاتی تنقید ایلرکن شو مطالعه یی سرد ایدیورلر : « انسانک برمادیت ، برهیمیت جهتی اولدینی کی برده معنویت ، ملکیت ، روحانیت جهتی واردر . بویالکز بزده دکل ، علی العموم آوروپاده ده بویله در . آوروپا حکماسنک ده اکثریسی ، مادیون مذهبیه سالک اولانلردن ماعداسی ده انسانک معنوی بر موجودیت بولوندیغنه ، بناءً علیه انسانک عینی زمانده متافیزیک بر بنیه یی حائز اولدیغنه قائلدرلر . » بوجله ده کوستریورکه مؤلف (حق) مفهومک منحصراً افعال و مناسبات حقوقیه دن استخراج ایدیلهمیه چکنه ، انسانک بذیه معنویه سی ، غایهٔ انسانیت حسابیه قایلیمینجه (حق) ک ماهیتی آکلاشیلامیه جغنه قائلدر . غرب افکار و نظریاتی ده هپ بو اساسلی فکر دائره سنده تنقید ایلور .

مؤلف (حق) ی حب غیره ، اجتماعی فداکارلغه استناد ایتدیرنلرک فکرلرندن بحث ایدرکن « بوفکر بر ایمان قوتی اکتساب ایدرسه دوغری اولا بیلیر . عکس تقدیرده لافدن ، قوری بر مطالعهٔ فلسفیه دن عبارت قالیر » فکرینی سرد ایلور . یالکز بز بو مطالعه یی سید بک افندینک موضوعیه متناسب کورمیورز . چونکه مسئله (حق) مفهومک منشاء و ماهیتنی آرامق دکلکی ؟ بونوع فیلسوفلر « حق مفهومی انسانده کی اجتماعی میلاندن ، حب غیردن ، تعطف Sympathie دن متولددر » دیورلرکه بوفکر اسلام فقهاسنک قبول ایلدیکی اساسلرده چوق یاقیندر . چونکه « انسانده برهیمیت جهتی اولدینی کی بر ملکیت جهتی واردر . اولکیسی بشریت ، ایکنجیسی انسانیت جهتیدر » [ص ۳۶] سوزی ده بونوع فیلسوف و روحیات عالمرینک نظریاتی باشقه کلمه لرله افاده ایلکدر . یالکز غربک بونوع عالمریه اسلام فقهاسی آراسنده کی اساسلی فرق برنجیلرینک (حق) مفهومک تمنی احتساسات Sentiment ده آراملری ، ایکنجیلرینک بونی بر عقل سلیم ، بر ذهن مسئله سی عد ایتلریدر . بوندن بر قاق عصر اول احتساساتک ماهیتنه دائر روحیات معلوماتی محدود اولدینی ایچون بو طرز تلقی ده طبیعی ایدی . هر حالده سید بک افندینک بونقطه ده « انسانده بویله اجتماعی میلان تعطف واردر ، یاخود بوقدر . حق مفهومک منشائی بواوله بیلیر ، یاخود اولاماز » طرزنده بیان فکر ایللری لازمدی ظننده یز . یوقسه حب غیرک جمعیت ایچنده بر عقیده اولوب اولماسنک بوفلسفی مطالعه ایله علاقه سی یوقدر . حب غیر ، تعطف طبیعی برحس و میلان ایسه اونک طبیعی تظاهری اولاجق و (حق) مفهومی ده بو تظاهراتدن بری بولونا جقدر .

مؤلفک اسلامیتده (حق) ک منشائه دائر مطالعات عالمانه سندن اوکره نیورز که فقها حق مفهومی

اول امرده یاشامق احتیاجنه ، ثانیاً قارشیمزده کیلرده بوحق تسلیمه بزی سوق ایدن انسانیده کی « ملکیت » جهتنه استناد ایتدیریورلر . فقهانک « ملکیت » جهتی دیدکلری بوکون روحیاتده حب غیر ومیلان اجتماعی دیدیکمز شیدن باشقه برشی دکلدن . فقها منبع (حق) ی بوضورتله فردی عد ایتکلله قالمیور . بر آیت کریمه مفادندن استخراج ایدرک بونی بر امانت الهیه هد و بناءً علیه قدسی والسهی کورو یورلر . بوضورتله (حق) ی فردک اختیارینک فوقنه اصعاد و وظیفه ایلله بیرلشدیرمش اولویورلر . سید بک افندی فقهانک بونظریاتنک نتیجه سی نزه شو بوضورتله آکلاتیور : « اسلامیت بواستقلالی [یعنی حقک صرف فردی اولماسنی] قبول ایتمیور اونک ایچون انسانه حق اتخار و یرمیور . اموالی کلیاً اتلاف ایتمنه مساعده ایتمیور » فرد ایچون ، افراد سائرهمه قارشی ، جمعیته قارشی حق اولان حریت کندی حقنده الله قارشی بر وظیفه اولویور . »

(۴۰) صحیفه ایچنده فلسفه حقوقه عائد الک مهم بر مسئله نک بویوک بر صلاحیت علمیه ایلله تلخیصی محصولی اولان بواثری بوتون فلسفه مراقیلرینه ده توصیه ایلکی بر وجیهه عد ایدرز .

م . ۱۰

مجموعه

تاریخ و فلسفه :

۱ . روردرسه تئزیس توریک ، جلد ۳۳ ، صای ۹۷ - ۹۹ ، آغستوس - کانون اول

۱۹۲۱ .

مندرجاتی : منحصراً « جهان حربی تاریخنه مدخل » عمومی عنوانی آلتنده بالخاصه اصول ، مسئله لری ، مساعی مرکز لری و انتقادی خصوصاته متعلق مقالاتدن عبارتدر . مقاله لری عنوانلری بوجه آتیدر : حرب تاریخنک تدقیقنه دائر ؛ بر مورخک حربده ساخته خبرلر حقنده کی ملاحظه لری ؛ حرب تاریخنه متعلق وثائق و تدقیقات مرکز لری (فرانسه ده واجبی م لکنده) ؛ مطبوعات و تاریخ - بر مساعی عضوی : « مطبوعات بولتنی » (باشلیجه فرانسز و اجنبی مطبوعات بولتنلری ، فرانسز اجنبی مطبوعات و نشریاتی تدقیق دائره سی) ؛ حربیه متعلق خریطه وی و وثائق .

بونلردن ماهدا « حربک منشأ و مسؤولیتلری ؛ آلمان ارکان حربیه سنه دائر بر انتقاد ؛ آوستریا - مجارستان قرارگاه همومیسندن حربیه بر نظر ؛ حربک ابتدالری و روسیه ده انقلاب ؛ ایتالیانک جهان حربیه اشتراکی ؛ لهستانک جهان حربیه اشتراکی » عنوانلی تنقیدلرله « حربک بحریه تاریخنه عائد بر ملاحظه ؛ حربک عسکری تاریخنی و ارکان حربیه تاریخ شعبه سی ؛ حربک اقتصادی تاریخنی و قارنه جی وقفی ؛ کتابیات » ه متعلق مطالعه لر .

نزه دوغروندن دوغرویه تعلق اعتباریلله ، فرانسز اجنبی مطبوعات بوروسی نشریاتندن هر مملکته عائد « موقوت بولتن » لر آراسنده تورکیا ایچون ده ۷ شباط ۱۹۲۰ دنبری ۱۹ صای نشر ایدیلش اولوب ۱۱ نجی صاییدن اعتباراً بولته نلرک بری « استانبول » دیکری « آنقره » مطبوعاتنه تخصیص اولوندنی و عینی زمانده بو بولته نلرک استخبار منبعلرینی تشکیل ایدن عضولرله برابر عائد اولدقلری